





大明會典卷之一百三十一

兵部十四


鎮戍六

各鎮分例三

四川

四川松潘威茂介在番虜建昌等衛控制西南夷俱稱邊徼近年平都蠻置建武所設總兵坐鎮諸路官兵皆屬焉

一城堡正統九年題准設松潘南先結溝等處平夷靖夷三堡各撥官軍二百五十人守之鎮守都指揮二員輪月提督巡視○萬曆二年題





准改都蠻九絲城為平蠻城。凌霄城為拱極城。印靶山為文印山。弔猴山為降蠻山。雞冠嶺為金雞嶺。內官寨為武寧山。都都寨為都定寨。其戎縣改名興文縣。

一兵馬原額官軍一萬四千八百二十二員名。見額一萬八百九十七員名。馬軍一千四百八十九員名。步軍九千四百零八員名。

一防守嘉靖二十年題准設臆臘守備一員。提督穀粟等九堡禦寇等十九墩。戍兵千人。仍建倉貯糧二千石餉之。有斬獲功如陝西三邊例。

陞賞○隆慶二年題准珙縣青岡芭蕉等隘。都蠻出沒劫掠地方。其歇馬壩實諸蠻往來之衝。建築城堡。令永寧參將移駐于此。以控諸夷。○萬曆二年題准將文印山等十二處各設堡一所。每所用兵五百名。平蠻山頂設墩四所。脚板崖等十九處各設墩一所。每處用兵五十名。深溝子等五處每處用兵一百名。分投屯守。○五年議准將鎮守四川總兵衙門定為額設都司衛所。宣慰宣撫土知府招討等司與副參遊守等官俱聽節制。○又題准鎮城既建將瀘州衛



分左右中前四所官軍割併守禦千戶一所名為建武所仍將敘南衛原守隘官軍有屯田附近九絲者一體改附新所差操

### 雲南

雲南民夷雜居。

國初內置府外設宣慰等司為藩蔽正統間麓川用兵嘉靖中元江武定亂皆久而後定近年緬甸內侵永昌騰衝尤稱要害云

一城堡隆慶元年題准增修高明晉寧安寧三州城五年修葺潯江廣西二府土城

一兵馬原額漢土官軍六萬三千九百二十三員名見在六萬二千五百九十三員名

一防守嘉靖十六年題准省城并附近衛所操軍揀選精壯者二千名分為二路每路一千名令總兵委官訓練於原擬地方往來巡邏如遇寇賊礦徒竊發即時撲滅若征剿叛逆照依邊功陞賞口糧馬草照常給發器械每年量給官錢修整守巡兵備時加閱視○四十四年題准武定府建守禦千戶所將雲南右後二衛後千戶所馬步官軍各撥二百名右衛中左所土軍



撥一百名。并募新軍三百名。選指揮千百戶管領前去防禦。○隆慶元年議准。將省城六衛軍士餘丁。每衛揀選三五百名。別衛所。每三名選一名。就抵食糧之數。行令兵備道督同守備官。選官訓練。遇警調發。不許多調土兵。仍聽巡按御史出巡較閱。年終分別舉劾。○三年題准。將和曲州并和曲驛改附府城之內。其舊州治存。留在彼。改為巡捕館。另僉民壯。跟隨本州吏目。在彼住劄。盤詰盜賊。

### 貴州

國初置貴州宣慰使司。隸于四川。以通滇南之道。永樂間。討平田酋。始設專藩。山箐峭密。蠻夷多釁。嘉靖間。銅鎮苗。攻破思州石阡郡城。官軍夾剿。久之方定。其後防禦益備焉。

一城堡。隆慶二年題准。將程番府改入貴州省城。名貴陽府。其湖廣沅靖平溪等州衛。四川酉陽播州永寧三土司。照舊專屬川湖統轄。仍聽貴州節制調遣。

一兵馬。見額官軍。民兵二萬八千三百五十五員。名馬軍二千三百八十二名。步軍二萬二千



三十六名

一防守。嘉靖十一年奏准。金爐山第二層設立哨堡。將清平衛中左所屯種千百戶三員正軍餘丁共一百五十名。摘撥住守。○四十一年題准。貴州施秉一縣。切鄰四川容山土司。將偏橋衛哨軍一百九十名。改撥本縣。與同原設哨軍二百五十名。相兼防守。清浪守備移駐本縣。就令統領前軍。不時訓練。仍聽清浪叅將節制。○隆慶二年議准。行貴州撫按。將程番等十三司。先年額僉應補土兵三百七十名。查復原額。揀

其精壯。給與器械。定為班次。選委官舍統領約束。常川在廬山金石等司巡緝。聽新設通判提調。○又題准。程番府至廬山司七十里。烏蘿至廬山二十五里。四通賊路。行貴州巡撫著落土司。仍于交馬。復設舊哨。召募民兵。分列住守。

### 廣西

國初。因廣西兩江土官納款。予世襲。以羈縻之。其境內谿峒。徭獞。獠蠻諸種。以千數。每出沒流毒。景泰以前。常用鷓鴣。其後與廣東寇合。始設兩廣總督治梧州。成化嘉靖間。再剿藤峽。及八寨。



隆慶間。平古。每大征後。建治立屯。寇少寧息。然遺種蔓延。旋復猖獗。調兵分成。未嘗解嚴云。一城堡。隆慶四年題准。將古田桐木。富祿。常安三鎮。改為土巡檢司。每鎮留大鎮土官弟男一人。選帶目兵。住守其地。古田縣。改為永寧州。仍立守禦千戶所。請給印信。改撥桂林中衛千戶一員。百戶二員。統軍哨守。○萬曆八年議准。八寨既平。以周安古卯為一鎮。思吉古鉢羅墨為一鎮。都者古蓬剝為一鎮。即推擇土人頭目各充土巡檢。移家世守。其上林縣循業里。撫安里。

古城里。切近賊區。為八寨門戶。今改為龍哈。哈。咳。將該路參將移駐三里地方。控制增築龍哈。哈。咳。二堡。又南丹衛八所。并移於三里。

一兵馬。原額官軍一十二萬一千二百八十九員名。見在操募二萬五千八百五十四名。見額官軍一萬三千九十七員名。馬軍八百二十五員名。步軍一萬二千二百七十五名。

一防守。弘治十六年題准。湖廣備禦廣西班軍。俱以一年為期。至廣西交代。若違限半年以上者。問罪。仍罰操三箇月。○嘉靖四年題准。湖廣



夷陵枝江二所班軍備禦廣西省城茶陵衛所  
轄郴州千戶所班軍備禦武宣縣桂陽千戶所  
班軍備禦柳城縣寧遠衛向所轄枇杷桃川寧  
遠三千戶所班軍備禦柳州府各照舊輪戍○  
隆慶五年題准將廣東衛所原撥官軍四千六  
百餘員名照舊輪班戍守梧州○又議准牛河  
三厄二處委指揮一員於叅將部內選兵五百  
名并將桂林中右等衛官哨旗軍調撥該所守  
禦○又題准廣西思吉等八寨并龍哈哱咳二  
處各夷俱聽招撫議將那馬土巡檢充長官司

長官掌管其地一充冠帶土舍住守龍哈一仍  
巡檢住守哱咳各官俱聽思田守備調度○六  
年議准將融縣千戶所旗軍五十名并抽取融  
縣在城民兵七十名調撥懷遠縣地方防守○  
萬曆二年題准鎮安府湖潤寨共一年思恩各  
土司一年田州一年江州并上映下雷二洞共  
一年每年共出兵三千名四年一次輪戍省城  
泗城州一年歸順都康二州共一年向武奉議  
二州并上林縣共一年思明府思明州遷隆峒  
共一年龍英忠州共一年每年出兵四千名五



年一次。輪戍梧鎮。○四年議准。東蘭。南丹。那地。三州。每州出兵五百名。專戍柳州。每年於九月初旬上班。二月放回各州。敢有遷延不服。調遣及兵不足數者。俱聽參究。○五年題准。七山為蒼藤岑要地。連城為羅定信宜岑谿諸徭嘯聚之藪。六雲為容縣北流中衝。北科為六十三山咽喉。懷集縣與賀縣為界。五里村山徭賊。由此出沒。設指揮千戶五員於各地方。分兵劄營屯守。○十三年題准。府江各賊。雖經大征。未設戍守。復據舊巢為患。今自三峒峯門大窰冲起。歷桐江。桐亮冲。經仙迴馬尾。歸化佛槽等處。設兵立營於八路大澗面冲。大窰截其西崖。通修荔二縣後戶。桐江大亮田冲。各立一營。據其堂與。又於木浪馬尾平峒三妹要衝。各立一營。守其腹心。歸化佛槽洛口肆冲。各立一營。截其西岸。通仙迴昭平前門。築立營堡。列以土司募兵屯種操防。

湖廣

湖廣幅員最大。如鄖襄跨河陝。德黃接安慶。荆控巴蜀。辰菽雲貴。郴桂通廣東。皆多盜之區。永



州。寶慶。苗夷密邇。故數郡兵防加慎焉。成化間。以環鄖山谷多流民。大盜屢發。始專設鄖陽撫臣。兼制三省。

一城堡。嘉靖二十六年題准。保康縣望夫山。原係截山小路。川陝相通。盜賊不時出沒。築堡一所。撥軍戍守。○三十四年題准。五寨長官司。係湖廣接壤。麻陽乾州適中之地。東有蜜峯。西有牛坳脚。為諸苗出入咽喉。令麻陽參將移入駐劄。仍於蜜峯牛坳脚二處各立哨堡防守。○隆慶四年題准。郴州宜章縣香口嶺僻居邊陲。接

壤兩廣。徭苗雜處。不時侵犯。建城垣一座。添設衙門。每年衡永二府輪委同知一員。統領民兵。在彼駐鎮。防禦盜賊。督收錢糧。如或同知員缺。即委通判推官代理。○萬曆元年題准。襄陽府光化縣治逼臨漢江。城垣半圯。移建於去縣三里之北集街。○四年題准。瀏陽縣之大圍山。平江縣之連雲山。俱谿徑縈迴。密邇盧源。諸峒盜賊。往往逋逃。其中梅子園。逼近大圍山。金鋪觀及連雲。賊必經之地。將瞿家寨巡檢司移駐梅子園。添設一堡于大圍山附近所在。用把總一



員備禦。添設一小堡于金鋪觀。撥岳州衛指揮一員哨守。悉聽本總節制。

一兵馬。見額官軍六萬八千八百二十九員名。一防守。成化二年題准。荆襄在萬山中。流民逃軍。在彼躲住。安遠縣尤為窩遠。將革去荊州護衛官軍內查屯田近安遠者。摘撥一千戶所。發去該縣。與民相兼修築城池。設立千戶所衙門。守禦地方。如不彀。就於別所轉撥。遇賊生發。隨即撲捕。○弘治二年題准。梧州原分寶慶等七衛。柳州原分九谿等三衛所。各官軍通行掣出。

內撥寶慶寧遠永州三衛官軍赴柳州城操守。又撥九谿永定常德三衛官軍。兌出全州灌陽富川懷賀恭城及桂林興安等處土著官軍。赴梧州操守。其餘長沙衡州岳州夷陵四衛所官軍。俱留廣西城操。輪流巡哨。府江一帶地方。再不許分撥重瘴地方。若暫遣出征巡哨者。不在此限。○十二年題准。水道等處與郴桂地方哨守官軍數少。將荆黃枝江等衛所。與武昌襄陽二護衛官軍。摘撥輪戍。仍設郴桂守備一員。在宜章居住。聽鎮巡節制。其兵備仍在郴桂酌中。



地方駐劄。以便往來調度。○嘉靖十七年議准。竹谿縣鄧家壩地方。界連三省。山林深密。將洪坪堡官軍。掣改防守。其洪坪堡鄉兵。照舊把截。○四十五年題准。支羅新舊二寨。改為守禦百戶所官軍。就於施州衛三千戶所。摘撥屯種。以便彈壓。其本衛原撥輪戍靖州官軍。盡數撤回防守。○隆慶二年題准。施州衛孤懸萬山之中。與川湖交接。番漢雜處。將靖州榔桂臨武等處原戍官軍。撤回一半。以濟荆襄。存留一半。以防苗夷。○三年議准。瞿塘忠州夷陵長寧四衛所

原戍清靖二哨。與瞿塘衛原戍榔桂班軍。照數撤回。各該衛所操練防守。荆襄等衛枝江等所班軍。并衡州衛原調武岡與廣西官軍。俱照舊存留。常德衛原戍道州官軍。亦准撤回。其清靖榔桂道州等哨所缺之兵。聽該衛多方查補。如果不敷。將所省行糧。召募土兵。分布防守。○萬曆四年議准。將荆右二衛原戍靖州班軍三百五十名。退回荊州守衛。遺下二衛實在減班。并逃故軍數。各該行糧扣貯倉庫。募增民兵防守。其襄陽枝江原戍清浪臨武二哨。照舊存留。仍



通行鄖陽川貴南贛各巡撫一體查照施行○  
五年題准德安府孝感縣新店地方東接黃陂  
西抵隨應北聯信羅桐柏等處兩省交錯綿亘  
千里率為盜區設把總一員專駐統領原議兵  
壯巡緝盜賊隨州孝感應山安陸黃陂漢川等  
處各巡司哨堡及德安隨州二所官軍俱屬管  
轄遇警聽調

廣東

廣東內連五嶺外濱大海潮惠通甌閩高廉嚮  
交桂雷瓊逼黎蠻廣州之龍門增城諸邑皆為  
盜藪嘉靖間自海島入犯者為倭賊出沒海洋  
者為海賊據村峒者為猺賊嘯聚山谷者為山  
賊流劫無定者為浪賊漁戶竊珠池者為蜃賊  
縱橫殺掠地方騷然自羅旁大征之後備禦益  
詳密矣

一城堡嘉靖四十五年題准廣東扼塞要害在  
東洋有柘林碣石南頭在西洋有白沙港烏兔  
白鴿門六處皆立寨增兵增船統以將官無事  
則會哨巡緝有警則互相策應務以擊賊外洋  
為上功近港次之如信地不守見賊不擊俱坐



罪重治○隆慶四年題准馬耳澳乃潮郡外戶設水寨一所與柘林相犄角碣石與馬耳會哨於甲子馬耳與柘林會哨於南澳保障潮陽澄海揭陽海陽地方○萬曆五年題准羅旁東西兩山週遭千五百里田地饒沃且有藤蠟諸利將瀧水縣改為羅定州徑隸廣東布政司黃姜崗大崗二處各築營城一座各屯兵一千選委指揮充為把總駐劄許其便宜撫剿各崗地方通屬管轄其南鄉富霖封門函口四處各立一所即地立名請給印信各築所城一座以備防

### 守

一兵馬額設旗軍見在二萬九千九百四十七名召募官兵三萬五千二百六十八員名一兵船隆慶二年題准廣東六處水寨額數船隻通行查理缺者處補壞者修治一切刷虜商船盡行放免每歲終海道副使點驗係風浪損壞者動支官錢修飭係兵將損壞者責令各役賠償○四年令東莞新會兩縣勸諭大戶仍造烏艚巨艦聽募本地壯兵分作四班于南頭馬耳柘林等處防禦



一防守。隆慶二年題准。廣州等一十七衛所。舊撥官軍一萬餘員名。前赴督府及總兵哨捕。近除撤回一千一百九十員名外。將未撤八千九百餘名內。摘留附近梧州二千名。赴督府輪班哨捕。其餘悉發回廣州等衛所守城。○四年。令縣官召募精健鄉夫一千二百名。分為四營。內立營長。量給白艚八槳船隻。分撥柘林。馬耳。防守。營長効有勤勞。一年以上。量給冠帶。○萬曆五年。議准。富霖千戶所。添設叅將。撥兵三千名。內分一枝。戍守南鄉。函口千戶所。添設叅將。撥兵三千名。內分一枝。戍守封門。陽電海防叅將。兼陸路。陽江。恩平等處。

南直隸

國初定鼎金陵。倚長江為天險。然江洋巨盜。時有出沒。始設操江巡江等官。其沿海州縣。洪武間。時有倭警。常遣兵戍守。至嘉靖中。倭寇猖獗。于是增將增兵。畿甸之間。若備邊矣。

一兵馬。江南北所屬。額設官軍一十萬二千一百六十七員名。召募軍兵七千一百四十九名。○嘉靖三十八年。題准。蘇松常鎮四府所屬州



縣二百里以上者編主兵三百名。二百里以下者二百名。每名給銀十二兩。或均徭編派。或各里朋出。送海道兵備管束團練。○又令添設遊兵一千五百名。令南京都督統領。駕沙快船。往來浙西松江京口。護衛糧船。○隆慶二年題准。中軍都司把總部下留兵七百二十五名。并常鎮二府健勇三百一十二名。常川操演。以備緩急。三江會口把總部下留兵四百名。岡山把總留兵三百名。儀真守備留兵二百名。安慶守備留兵一百二十名。見存主客軍兵。不分汛期。汛

畢。日給銀三分。即將江南江北十八府州軍餉銀兩。并應天巡撫協濟丁田銀兩。應天廬淮等府州縣健勇鄉兵等項銀兩。通咨應天鳳陽各該巡撫衙門。俱免編派。每歲所需。通共徵銀二萬七千六百五十七兩六錢。永為定額。○四年題准。蘇松常三府。有水哨陸哨客兵家兵。併土著等項。七千七百五十四名。照舊容留。分布防禦。又陸續調撥各處軍餘民壯。以補革退軍數。總計水陸食糧官兵。共一萬五百六十五員名。又汛時年例各該兵船添募貼駕各沙土兵。八



千二十一名。亦照舊存留分布。○萬曆元年題准。圖山三江二總控禦海口。復原額各總八百之數。前項軍餘俱掣赴鎮江操演。與京軍更番防禦。瓜洲驍勇脚兵。精選四百名。一併操備。一防守。嘉靖二十年議准。揚州。淮安。九江。安慶。等衛所軍餘。照新江口事例。分為春秋二班。每班一千名。於鎮江操守。春班。二月初一日上。七月終下。秋班。八月初一日上。正月終下。○二十九年。定沿江信地。責令將領防守。南湖。蘄守備。南岸。自城子鎮。至馬當。北岸。自龍坪。至小孤山。二百六十餘里。領原設兵船。而以九江一衛屬之。安慶守備。南岸。自香口。至池口。北岸。自小孤山。至六百丈。二百九十里。領水兵五百名。而以安慶一衛屬之。新復荻港把總。南岸。自池口。至大信。北岸。自六百丈。至西梁山。三百二十里。領水兵六百名。而以建陽一衛屬之。遊兵把總。南岸。自大信。至高資。北岸。自西梁山。至黃天蕩。三百三十里。領水兵一千二百餘名。而以遊巡軍兵。相兼分布。圖山把總。自高資。至安港。一百五十里。領水兵民壯八百名。而以鎮江一衛屬之。



儀真守備自黃天蕩至新港一百四十里。領水兵三百名。而以儀真一衛屬之。瓜洲鎮巡江衛總操江水兵亦屬焉。仍與揚州府江防同知協同防守。本鎮民事則同知理之。守備不與。三江會口把總。自新港至廟港一百五十里。領水兵八百名。南湖葦守備。駐劄湖口。安慶守備。駐劄雷港。荻港把總。駐劄荻港。遊兵把總。駐劄上新河。儀真守備。駐劄儀真江口。岡山三江會口把總。各駐劄本處。不許仍前住居城市。○又題准備倭所轄地方。自應天龍潭起。至鎮江。蘇州。太

倉。鎮海。金山等衛。嘉興。松江。吳淞江。崇明。南匯。青村止。千有餘里。枕臨大海。給關防。以便調度。

○三十六年議准。將瀋陽右衛官軍。照舊隸屬南京兵部。如遇江北地方有警。許鳳陽撫按官督調防禦。○四十四年題准。江南江北各有信地。三沙止。當會哨。難以會剿。褚家一沙。沙南沙北。照舊分防。崇明一帶。或春或秋。照舊會哨。如果賊勢重大。逼近留都。江南江北巡撫。并操江都御史。交相應援。其餘小警。不必會剿。各守信地。永為遵守。○隆慶四年題准。徐州參將。將兵



分為三營。徐州一營。宿州一營。歸德一營。每營選中軍官一員。常川操練。其叅將遇糧運盛行。駐於徐州。以保運道。河水已合。則駐宿州。以防陸路。春間青黃不接。則駐歸德。以防竊發。○萬曆三年題准。南直隸自吳淞以至金山。其中寶山。川沙。南匯。青村。柘林。皆臨大海。倭寇隨處可登。青南二所尤當其衝。清查各衛所軍舍。選一千名。委指揮二員分領。於青南二處。與川柘二總。分作四枝。汛時聽叅將操練於南匯。其各軍行月二糧亦量加厚。遇警對敵。許照北邊事例。

但以血戰為功。不以損軍為罪。○又令蕪湖縣築城。以便防守。徽寧兵備道。照蘇松淮揚兵備例。增設兵額。應天治中。移駐新江口。太平同知移駐蕪湖。和州同知移駐泥汊。境內州縣巡司官兵。盡屬統率查點。○又令每年防汛畢日。准照防邊事例。將各鎮將官。及海防同知。沿海州縣正官。分別舉劾。○四年題准。寶山界於川沙。吳淞之間。為全吳南北中路。地形突出。海島倭船必經。要害當守。改築城堡。而以協守所官軍守之。每年汛期。副總兵統兵移駐



浙江

浙江瀕海。故多倭患。嘉靖間。荼毒東南。久而後定。自是增兵置將。各據要地。以定海為倭船所從入。特宿重兵。省城營兵。分番防汛。海防之重。自此始。

一兵馬。原額兵壯一十三萬一百八十八員名。見在七萬八千六十二員名。○隆慶四年題准。浙江通省。額設民壯一萬六千二百九十名。除留四千二百二十一名。看守各府州縣城池庫獄外。其一萬二千六十九名。自隆慶四年為始。

徵收工食。挑選精壯之人。每名日給銀三分。設立隊伍。整搦器械。在杭湖嚴紹寧台溫七府。每府分派一總。在嘉金衢處四府。每府分派二總。聽各該總叅都司把總官與軍兵合營操練。

一防守。隆慶三年題准。浙江總兵駐定海。叅將改駐舟山。遇汛。則寧紹叅將坐駕兵船直出沈家門外海洋。嘉台溫各叅將俱出本區海面外洋。據險結營。彼此會哨。總兵居中調度。左顧杭嘉。右顧台溫。改寧波陸兵為總兵標兵。各區叅將把總。俱聽節制。水陸軍兵。俱聽調度。每遇汛。



期。巡海兵備官親詣邊海巡視

### 江西

江西當吳楚之交。鄱陽之寇。出沒不常。贛州諸山。尤為盜藪。往往藉外兵。成化間。藉福建。嘉靖間。藉浙江。今廣東。福建。湖廣。各以其卒戍守。而萬曆初。令各道團練鄉兵。武備稍飭焉。

一兵馬。原額正軍三萬九千八百九十三名。見在旗軍餘丁二萬八百四十八名。南贛所轄。江西官軍九千一百四十八員名。福建官軍八千一百七十一員名。廣東官軍八百二十九員名。

湖廣官軍一千九百二十八員名。○萬曆二年議准。行各道督同府縣掌印官。建立操所。將各縣鄉兵。每於農隙之際。冬季自十月初一日起。至十一月終止。春季自正月初十日起。至二月終止。嚴加團練。每季終。聽各掌印調集操演。一防守。成化二十三年題准。贛州接連閩廣三省。將福建上杭武平二所。汀州衛前所。并江西瑞金南安二所官軍。連附近各府民壯。屯聚會。昌常川操練。如遇流賊出沒。併力剿捕。○嘉靖十八年題准。廣信鉛山守禦千戶所人馬。及永



豐縣民兵分隸饒州兵備道聽其兼制時加操演以禦礦賊○二十三年題准贛州府安遠縣有大帽山環繞三百餘里號為盜區於本地修築城堡遷民居其中調移安遠官兵駐劄添設巡檢帶領弓兵相兼防守○四十年題准江西永豐上饒二縣平洋銅塘地方當閩浙交界礦賊盤據將福建浦城浙江常山江山三縣并所屬盆亭谿源高泉若仙霞小竿諸巡檢司悉聽江西分守湖東道管轄如遇盜賊生發督兵擒捕仍移文建嚴金衢溫處兵備守巡各道發兵

援剿

福建

福建濱海其民資番舶之利遂引倭寇入掠故通番下海之禁最嚴然莫能止汀漳山谷與贛相連又多盜防剿每藉客兵嘉靖間始置大帥練民壯減客兵云

一兵馬原額兵一十二萬五千三百八十一員名見在三萬八千四百七十五員名

一防守嘉靖四十二年議准行各該兵備并府州縣官通將闔省民壯巡司弓兵酌量存留一



半。以為護守巡緝之用。其餘精壯正丁解赴省城。合營訓練。以次漸減客兵。

### 山東

山東故無他警。惟官軍分兩班。輪赴京操。後沂州有礦盜。登州有島賊。乃編募民兵壯快義勇。嘉靖間。選其精銳。分二營於濟德。後以三千防薊鎮。近年復免上邊徵銀濟餉云。

一兵馬額設官軍四萬三千六百三十一名。直隸沂莒二衛改屬班軍。二千二百一十七名。

一班軍。嘉靖三十四年題准。山東京操班軍糧

餉缺乏。將各軍及族屬同伍應輸屯種子粒。抵充行糧。仍要扣算明白。不許影射。○萬曆二年題准。將山東河南二省班軍。即以本衛本所。歸併合一。或春或秋。定為一班。以地理相鄰管轄。近便者。但足三千。即屬一都司統領。有餘不足。於就近衛所。隨宜增損。上班赴薊防守。下班本省操練。緝捕盜賊。與地方官一體行事。

一防守。嘉靖三十二年議准。將山東民壯快馬步。精選六千。分為二營。一營屯駐德州。委叅將統領。聽候調遣。一營在省城。選委僉書都司統



率訓練。如德州一營承調壯去。即將省城一營移駐德州。以備赴援。○四十二年議准。將曹濮沂州二道壯快。分為四枝。二枝為前營。撥與原管把總統領。二枝為後營。常川在各道操練。緝捕盜賊。○又議准。山東民兵。自四十三年正月為始。務選足三千之數。推叅將一員訓練。每七月初旬。赴薊鎮防禦。

### 河南

河南中原都會。舊惟班軍赴京營操。上邊備禦。其民兵聽調。自嘉靖間始。

一兵馬原額食糧正軍三萬一千一百七十七

名。軍舍操餘二萬二十名

一防守。嘉靖三十二年題准。八府原編民兵五千名。臨時分屬各兵備操練。每年六月終旬。調

集磁州。令清軍副使同定委將領統率聽候調

遣。○隆慶三年題准。各道督所屬掌印管操等

官。將軍丁民壯義勇。選補丁壯。分為兩班。四季赴道操演。頭班。正二三月。二班。四五月。週而

復始。其義勇民壯。編入守城隊伍。一體操備。○萬曆二年議准。睢陳河南汝南三道。將額編民



壯酌留守城。分番赴道團操。與大梁河北二道一體施行。候一年之後。團練已成。仍發回守城。將守城之兵。取赴團練。

大明會典卷之一百三十一

大明會典卷之一百三十二

兵部十五

鎮戍七

各鎮通例

凡烽堠。洪武二十六年定。邊方去處。合設煙墩。并看守堠夫。務必時加提調。整點廣積。稭草。晝夜輪流。看望。遇有緊急。晝則舉煙。夜則舉火。接遞通報。毋致損壞。有誤軍機。聲息。○永樂十一年。令築煙墩。高五丈。有竒。四圍城一丈五尺。開濠。塹。鈞。橋。門。道。上置水櫃。煖月盛水。寒月盛冰。墩置官軍守瞭。以繩梯上下。○天順二年。令墩



上設懸樓礮木塌窖。賺坑。○成化二年。令邊堠  
舉放烽炮。若見虜一二人。至百餘人。舉放一烽  
一砲。五百人。二烽二砲。千人以上。三烽三砲。五  
千人以上。四烽四砲。萬人以上。五烽五砲。傳報  
得宜。致尅敵者。准奇功。違者。處以軍法。○正德  
八年。題准。各衛新增墩臺。務要摘撥相應衛所  
正軍。前去瞭守。如無軍。就僉餘丁充守。一例與  
正軍關支糧賞。仍將別處老疾軍人。揀退。省下  
糧賞。以補前費。

凡聲息。洪武年定。各邊飛報。一應聲息。具奏。行  
移隄備。其有重大賊情。應出師征勦。及地方軍  
馬數少。應調兵策應。奏請定奪。○嘉靖八年。議  
准。今後各鎮將官。須要選委的。當夜不收。遠為  
哨探。具實奏報。或有重大聲息。失於飛報。致誤  
事機。或本無聲息。虛傳妄報。空勞士馬。虛費錢  
糧者。聽兵部查考。參究。

凡墻堡。景泰元年。令各邊每歲四月八月。遣官  
軍修葺邊墻墩堡。增築草場封堆。時加巡察。如  
有越塞耕種。移徙界至者。治罪。○嘉靖三十三  
年。題准。今後各邊修理墻垣墩臺。兵部酌量緩



急應否并實費多少。及該鎮處辦有無足欠。奏行戶部查議。除備給京邊緊急支費外。以十分為率。動支七分五。兵部二分五。近例戶部七分

凡操練。成化二十一年。令各邊每年自九月起。至明年三月止。俱常川操練。四月初。具操過軍馬。并大風大雪免操日期。奏報。○正德十三年。奏准通行天下。各府與衛同在一城。各州縣與守禦所同在一城者。聽各掌印官。每月二次赴軍衛教場。將原選民壯機兵。會合官軍操練。分巡分守等官。按臨之日。亦要不時點閱。○嘉靖

八年。議准各邊鎮巡官。嚴督各該將領。將見操官軍。逐一簡閱。挑選膂力驍勇。弓馬熟間者。定為頭撥。膂力弓馬稍稱者。定為次撥。其有衰老懦弱。庸鈍者。即便退黜。別選精壯。以飭武備。凡班軍。成化四年。令沿邊備操官軍。一年一班。每班以十月初到。明年十月滿。復留與次班守冬。至後年正月放還。以後班次皆然。○弘治十三年。令各邊備禦官軍。失班不到者。拏獲問罪。免其納鈔的決。解送各邊鎮巡官查審。軍一班不到者。在原備邊處罰班五箇月。軍兩班。官一



班不到者改撥沿邊城堡罰班八箇月。軍三班官兩班以上不到者極邊城堡罰班一年。其補班月日各另扣算。若來遲不曾失班者止補來遲月日。○嘉靖二十六年題准河南防禦宣大官軍各該衛所務選精壯補足原數。春班者改於五月初一上班。十月終放回。秋班者改於六月初一上班。十一月終放回。

凡戰守。正統六年令出境勦賊鎮守總兵官參將內止遣一二員仍留一二員居守以備不虞。

○嘉靖八年題准山西三關軍馬數少各鎮非有十分緊急不許輕調其宣大兩鎮遇有賊情

緊急彼此依期發兵互相應援若敢偏私執拗自分彼此失機誤事者參究重治。○二十一年

議准今後賊果深入聲勢猖獗方許合兵搗巢制其內顧若尋常無事之時止照舊例施行。○

隆慶五年題准今後虜犯南山責成本山副總兵督率主兵并入衛官軍拒堵于內東路援兵

遊兵攻戰于外該鎮正奇遊兵遏勦于左軍門標兵并調山大正兵北樓援兵衝擊于右如南

山無警而虜窺宣大則宣府正奇遊兵一體調



遣不得藉口南山。自分彼此。坐失事機。虜或東西分犯。仍當以南山為重。總督親率標兵。相機策應。而山大二鎮。聽各巡撫徑自調度。戰守若犯薊東。山大遼東兵馬。暫免入援。或犯薊西。則山大兵馬。仍當星馳策應。仍留各鎮守兵。分投搗巢。牽彼內顧。以求全勝。

凡防禦。正統十四年。令每歲七月。兵部請

勅各邊遣官軍往虜人出沒之地。三五百里外。乘風縱火。焚燒野草。以絕胡馬。名曰燒荒。事畢。將撥過官軍。燒過地方。造冊奏繳。○又令每年十

月。兵部請

勅各邊鎮守總兵巡撫官。遇冬年節。不許宴樂。仍轉行分守守備官一體遵守。

凡巡閱宣德七年。令居庸山海關荆子村黑峪口。北抵獨石。西抵天城。每三月。差武官二員。御史二員。點視。○成化二十二年。令各邊軍馬數目。遠邊一年一報。近邊半年一報。兵部每三年一次具題。差文武大臣各一員。同行閱實。每年一次具題。差御史二員。分行巡視。有設置未備。器械未精。軍伍不足。守卒年久未更代者。逐一



會典卷三十三  
五  
查理○嘉靖三十三年奏准差兵部侍郎一員帶司官二員前往薊州保定行邊將一應戰守事宜相度計議如修築城堡給發錢糧易置將領悉聽便宜施行○隆慶五年題准虜衆內附邊患稍寧嚴飭各邊督撫將領整頓邊事將積錢糧修險隘練兵馬整器械開屯田理鹽法收胡馬散逆黨等八事從實舉行以後三年一次分遣才望大臣或風力科道官三員一往延寧甘固一往宣大山西一往薊遼保定閱視回奏果著有勞績與擒斬同功若仍襲故常與失機

同罪○萬曆十二年題准閱邊官員查照原限各寬一月延寧甘固十一箇月宣大薊遼六箇月行令遍歷各鎮○十三年令閱邊差官暫罷勅各該巡按御史徧閱所屬地方邊備及查盤錢糧稽覈工程一併奏報該部覆請分別賞罰○又令巡撫總兵官俱依期巡閱沿邊地方不許專駐一城

凡邊臣職守正統六年題准總兵官及各參將不許管理官民詞訟○弘治十三年令在外軍民詞訟除叛逆機密重事許鎮守總兵參將守



備等官受理外。其餘不許濫受。輒行軍衛有司問理。○十七年令各邊將官有包納糧草與販馬匹等弊。巡按御史訪實參治。○嘉靖十年議准。今後各邊巡撫總兵主將偏裨。務要遵守協同事宜。節制舊例。如有奸徒不務協同供職。左道阻撓。搖撼人心。及抗違節制。巡撫官指實奏聞。被劾人員。不許駕捏別項事情。撫拾誣辯。如事干軍機。副參以下。故意阻撓主將號令者。雖未敗事。亦以違令究治。罷黜。敢有挾制奏訐者。原詞立案不行。若總兵官挾私凌虐偏將。撫按

官指實彈劾究治。○十四年議准。今後總制巡撫總兵提督等官。如遇陞遷降革養病等項事。故例應去位者。俱要守候交代。方許離任。○十五年議准。各鎮守備官。但有託疾避難。擅離信地者。改調極邊衛分。帶俸差操。三年之後。果能改過自新。收回原衛。○十六年議准。今後經過河西公差人員。不許擅騎塘馬。及私用操夫。各該守備把總等官。敢有私意奉承。致誤軍情者。並聽撫按官從重究治。○十九年令與邊境相連地方。有司官員。但係軍前應備事宜。務要悉



心幹理。若自分彼此。致誤軍機。聽本管上司參奏治罪。

凡邊臣奏請。所司俱要五日內議覆。不許停閣阻撓。致失機宜。○隆慶六年題准。各邊鎮督撫等官。但係軍機。俱要密封完固題奏。不得預先漏泄。通政司上本。與司禮監發本。俱要一體嚴密。

凡參隨伴役。成化二十年。令官舍隨任者。鎮守官許五人。分守許三人。其軍伴。鎮守官二十名。分守十五名。守備十名。○弘治十三年奏准。凡

各處鎮守總兵官。跟隨軍伴。二十四名。協守副總兵。二十名。遊擊將軍。與分守官。十八名。守備官。十二名。俱不許額外役占。及賣放軍人。辦納月糧。違者。許巡撫巡按官。查照軍職役。占賣放事例上請。其巡按御史。年終仍將各官有無多占賣放緣由具奏。○嘉靖十四年。令凡提督軍務。有違例奏帶。并要求者。兵科執奏。參覆從重治罪。仍行各該邊方鎮巡等官。通行查革。不許容情隱護。○二十二年。令各處參隨。止是鎮守將官。准帶五名。分守總兵。帶三名。俱係在京受



命者方許。若到邊年久者，不許奏討。

凡軍前報効。嘉靖二十二年議准廢棄將官。除死罪重犯不議外。其餘總兵以下。千百戶以上。不分充軍。立功革職閒住。但屢歷邊方曾經戰陣者。逐一查出。責令自備鞍馬。隨帶家丁。應付廩給口糧。各赴軍門。酌量委用。果能建立奇功。釋其前罪。仍照例陞賞。若事寧無功。發回原衛。及各配所。原係閒住者。照舊閒住。係充軍立功者。照舊充軍立功。以後內外諸司。問理失事將官。情輕者務要即時釋放。使之立功贖罪。如果

罪惡重大。亦要速議處置。不得濡滯。其總兵遊擊家丁。臨陣一體處給口糧。○二十六年題准各衛閒住將官。謀勇可用。及懲創既深者。聽總督提督巡撫官調取軍門。令其分哨領軍殺賊。果能建立奇功。一體保薦錄用。○二十八年題准東西二關土著居民。有能率眾報効。招至一百名以上者。給冠帶。三百名以上者。授散官。防禦隘口。遇有警截殺。百里之外。給與行糧。有功之日。查照防秋事例陞賞。○隆慶二年題准。凡行伍眾軍。四方諸色人等。但有才能出眾。敢自



誓領兵殺賊者。即暫假以頭目。任意選練人馬。臨陣即令當先。有功之日。聽督撫官具奏超陞。如臨陣退縮。許即時斬首。

凡邊境田土。成化十年。令陝西榆林等處。近邊地土。各營堡草場界限明白。敢有挪移條款。盜耕草場。及越出邊牆界石種田者。依律問擬。追徵花利完日。軍職降調。甘肅衛分差操軍民。係外處者。發榆林衛分充軍。係本處者。發甘肅衛分充軍。有損壞邊牆。私出境外者。枷號三箇月發落。○弘治六年。令廣東高雷廉肇四府。但有

招接種人過江佃種無主荒田者。招主窩主。俱發雲南邊衛充軍。該管官吏里老。止是失於覺察。照常發落。若知情受贓。照例充軍。○嘉靖二十五年。題准。各邊荒地。任民儘力開墾。永不起科。其舊曾起科。今荒蕪者。召民一體開墾。應納子粒。准蠲免十年。不許徵擾。待有成熟。奏來定奪。邊臣敢有變亂者。巡按御史叅奏。拏來重治。○二十六年。令以大同修築邊牆。隔還虜占地土四萬餘頃。分給各邊守備五項。把總坐堡官二項。管隊官二項。軍人二項。或一項五十畝。或



一項。永不起科。○二十七年。令以宣府龍門一帶。修完邊牆。隔還膏腴地土。分撥附近官旗軍民舍餘耕種。三年成熟之後。每頃止徵牛具銀五錢。不及頃者。遞減。永不起科。就便築立堡寨營房。聽從居住。正軍仍隸原衛所食糧。舍餘民人。不許差操。如遇防秋。量借一丁備禦。

凡招降夷人。嘉靖二十二年議准。凡虜中有智謀出衆。率其黨類歸附者。計其衆寡。除犒賞外。仍加陞級。如十人。即與小旗。百人。與百戶。有能斬其首。首來獻者。賞銀一千兩。仍陞都指揮職。

銜。以示優異。○二十五年。令凡安殺降人者。照故殺律抵死。各邊將領部下。收回降人一千名以上者。陞二級。五百名者。陞一級。其餘遞賞。○三十三年。題准。投降夷人。賞賜。男子。每名素紵絲衣一套。綿布十疋。鈔一百錠。婦女。每口綿布三疋。鈔十錠。男婦。每名口米三石。牛二隻。羊五隻。柴五百斤。仍撥房屋。床榻。器皿等件。居住。并應用鈔布衣服。○隆慶四年。題准。凡將領收夷人為家丁者。有斬獲戰功。止許從厚給賞。不得濫議陞用。



凡逃回人口。嘉靖十九年

詔各邊走回人口。有被邊將藏匿殺死。以圖報功。陞賞者。撫按官舉奏得實。照殺降抵死。○二十年議准。各邊有自虜中逃回者。審其鄉貫。來歷。願歸者。給文遣歸。倍加存恤。不願歸者。收作通事。給與月糧。帶來一應馬匹衣服等項。盡數給與。雖有藏匿。悉置不問。仍審其進邊日期。及有無指勒。以憑查究。○二十四年題准。提墩官督同墩軍。遇有虜中逃回人口。即便伴送入境。每名給銀二兩。免其差徭。隨帶馬匹衣物。盡數給與。提墩官賞銀二兩。墩軍賞銀五錢。二名以上。倍給。如傳報事體得實。一體加賞。○二十五年。令凡大邊招徠精壯男子一名者。賞銀三兩。遞加至十五兩而止。幼男婦女。賞銀二兩。遞加至十兩而止。邊墩引進精壯男子一名者。賞銀二兩。遞加至十兩而止。幼男婦女。賞銀一兩。遞加至五兩而止。仍將歸附人口。附記年貌籍貫。給文。差人伴送原籍衙門交割。其守口官軍。不許擅放一人出邊。亦不許將近邊人口。假為降人。妄希厚賞。○三十二年題准。各邊被虜人役。



能傳報虜情後果得實。給銀賞犒。若將官因而得成大功。即將原報人役為首功。擒斬五十名。顆以上。授百戶。仍賞銀三百兩。一百名顆以上。授千戶。仍賞銀五百兩。至一百五十名顆以上。授指揮。仍賞銀一千兩。俱與世襲。

凡邊禁。洪武二十二年。令守禦邊塞官軍。不得與外夷交通。如有假公事出境交通。及私市易者。全家坐罪。○弘治十三年。令各邊將官。并管軍頭目。私役軍民。及軍民私出外境。釣豹捕鹿。砍木掘鼠等項。并把守之人。知情故縱。該管里

老官旗軍吏。扶同隱蔽。若夜不收出境哨探。而與夷人交易者。除真犯死罪外。其餘俱調發煙瘴地面。民人里老。為民軍丁。充軍。官旗軍吏。帶俸食糧差操。○又令大同山西宣府。延綏寧夏。遼東薊州。紫荆密雲等處。分守守備。備禦。并府州縣官員。禁約該管官旗軍民人等。不許擅將應禁林木。砍伐販賣。違者問發南方煙瘴衛所充軍。若前項官員有犯軍職。俱降二級。發回原衛所都司。終身帶俸差操。文職降邊遠敘用。鎮守。并副參等官有犯。指實參奏。其經過河道守



把官軍容情縱放者究問治罪○又令凡川廣雲貴陝西等處但有漢人交結夷人互相買賣借貸誑騙引惹邊釁及潛住苗寨教誘為亂貽害地方者俱問發邊衛永遠充軍○十四年議准緣邊關塞及腹裏地面盤獲奸細走回人口所在鎮巡等官務須先究來歷根因如果干礙接引起謀并經該關隘守把人員應提問者依律問擬應參究者其實參奏若有歸復鄉土偶被邏獲者照例起送毋致冤抑○又題准北虜離邊五十里方許駐劄但有逼近邊牆傳箭答話者即係犯邊違賊就便捕殺不在襲殺誘殺之例○隆慶二年題准宣大邊外兩鎮各將領嚴禁墩軍不許仍前傳遞貨物與虜交通違者拏赴軍前細打仍從重治罪○五年題准北虜通貢互市禁止宣大山西及陝西三邊不許搗巢趕馬若東虜土蠻等賊原題不與貢市自當相機出邊搗趕有功照例陞賞但毋得輕率寡謀翻墮賊計○萬曆三年題准山西寧武鴈門一帶山塲原居流民編立保甲分立界限責成看守界內林木自盜者照例問罪縱人盜而不

看守界內林木自盜者照例問罪縱人盜而不



舉首者一體連坐

凡防邊功罪。成化九年。令邊軍遇賊。如曾率衆對敵。及衆寡不敵者。雖失利不罪。其閉門坐視。見賊先退者。乃坐失機。○弘治六年。奏准。王將副參等官。統軍殺賊。不能料敵制勝。輕率寡謀。致有損折軍馬。失誤事機。則罪坐各官。而內臣都御史。不曾與行者。各輕其罰。兵部臨時奏請定奪。若各該分守守備等官。不行設備。被賊入境。搶擄人畜。或生事貪功。損折軍馬。即係鎮巡總兵官。平昔威令不行。所致。當均受其罰。若互

相隱匿。不行實報。許巡按御史。科道官。并兵部訪實奏劾。治以重罪。○十三年。令。凡失誤軍機。除有正條者。議擬監候。奏請外。若賊擁大衆入寇。官軍卒遇交鋒。損傷被虜數十人之上。不曾虧折大衆。或被賊衆入境。虜殺軍民數十人之上。不曾虜去大衆。或被賊白晝黃夜。突入境內。搶掠頭畜衣糧數多。不曾殺虜軍民者。俱問守備不設。被賊侵入境內。虜掠人民者。律發邊遠充軍。若是交鋒入境。損傷虜殺四五人。搶去頭畜衣糧不多者。亦問前罪。數內情輕。律重。有礙



發落者。仍備由奏請處置。其有被虜入境。將爪探夜不收。及飛報聲息等項。公差官軍人等。一時殺傷捉去。事出不測者。俱問不應杖罪還職。如境外被賊殺虜。爪探夜不收。非智力所能防範者。免其問罪。○凡各邊及腹裏地方。遇賊入境。若是殺虜男婦十名口以上。牲畜三十頭隻以上。不行開報者。軍民職官。問罪降一級。加前數一倍者。降二級。加二倍者。降三級。甚者罷職。其上司及總兵等官。知情扶同事發。參究治罪。○正德十三年。奏准。凡擬守邊將帥。賊寇入境。

虜掠人民。邊遠充軍罪者。必彼此衆寡相當。堪以出戰。故不設備。閉門不出。方依律坐之。若虜衆兵寡。止可固守。不可輕出者。勘實奏請。若止是搶掠牲畜。殺虜沿邊哨探。及採打柴草軍民。不係境內人民者。俱有應得罪名。不許引用前律。其輕率寡謀。軍無紀律。以致損折官軍者。律無正條。比律奏請定奪。若奮勇迎敵。殺敗虜賊。雖斬級數少。官軍陣亡數多。仍須論功陞賞。不許妄引損軍律例治罪。○嘉靖八年。議准。今後凡遇聲息。各該參隨人等。不許指稱按伏為名。



若是本官親臨行陣。方許參隨跟隨。上陣有功。照常造報陞賞。若有冒奪情弊。并本官一體參究治罪。○十六年奏准。今後行勘各邊失事官軍。若係百五十名以上。方問守備不設。百五十名以下。照常問擬罰治。中間若有按伏出哨。適當境內。畏怯逗遛不行。與坐堡等官軍。併力截殺。以致虜殺軍民頭畜等項數多者。亦問守備不設軍罪。若守備以下官員。果能督軍奮勇。與賊交鋒。中間若有衆寡不敵。以致損失官軍十餘名者。雖問前罪。亦要明白聲說。奏請未減。若是閉門不出。及逗遛閃躲。不曾與賊交鋒。以致殺虜數多者。查勘明白。問擬守備不設軍罪。不必奏請未減。若虜賊大舉失事重大者。止許參問總兵副參遊擊等官。通行各邊撫按衙門。著為定例。○十八年議准。今後達賊侵犯。除本鎮官軍。照例行巡按御史查勘外。其鄰鎮官軍。亦要通查。其鎮應援及期。其鎮應援失誤。其營客兵在分某處。曾否戰守。有無失事。一併查明。參奏。○二十六年題准。將官緣事提問聽勘。原問衙門。先具由。達兵部知會。仍作速結正。毋致淹

是閉門不出。及逗遛閃躲。不曾與賊交鋒。以致殺虜數多者。查勘明白。問擬守備不設軍罪。不必奏請未減。若虜賊大舉失事重大者。止許參問總兵副參遊擊等官。通行各邊撫按衙門。著為定例。○十八年議准。今後達賊侵犯。除本鎮官軍。照例行巡按御史查勘外。其鄰鎮官軍。亦要通查。其鎮應援及期。其鎮應援失誤。其營客兵在分某處。曾否戰守。有無失事。一併查明。參奏。○二十六年題准。將官緣事提問聽勘。原問衙門。先具由。達兵部知會。仍作速結正。毋致淹



會典卷百五十五  
延○又題准宣大三關邊牆可守。今後虜如潰  
牆。平時則各路各城堡叅守官防秋。則各領兵  
列營守牆等官。各查信地。坐以守備不設。為賊  
所淹襲。因而失陷城寨。正律。其遇賊退避。觀望  
逗遛。不即應援。以致失誤軍機。不分主客。一體  
坐以臨陣退縮。及領兵官已承調遣。不依期進  
兵策應。律。不許仍援守備不設。未減充軍罪名。  
○三十一年題准。大同。延綏。寧夏。甘肅。宣府。遼  
東。各路將領。今後但遇虜賊近邊。即便相機設  
策。或打其帳房。或殺其老小。或奪其馬匹。或勦

其畸零。凡有壯夫居民。敢勇殺賊。俱照新例。從  
重陞賞。趕來馬匹多者。官收四分。本人六分。少  
者。通給本人。至於叅官臨陣有所損失。聽從寬  
免。仍行各邊巡按。凡有報功。驗係真正賊首。即  
與造冊奏繳。本部覆題。不許再四駁查。致懈關  
志。○又題准。保甲陞賞罰治。每鄉舉殷實有力。  
人所信服者一人。立為頭領倡率。有能把截山  
口。或固守城堡。保全地方。為首者賞銀一百兩。  
授職一級。仍與冠帶。為從者各量加賞。官吏於  
本等資格上加陞。生員增附。即與補廩。廩膳送



監肄業。義民陰陽醫官。各授七品散官。獲有首級。照官軍例陞賞。所得牛馬等項。盡給充賞。地方軍民。不聽約束。戮力防禦。不入城堡。收斂者。從重罰治。或追殺。以充軍需。軍衛有司官。能保障地方者。撫按官類奏陞擢。若不防禦。收斂致賊搶殺人畜者。比照邊官事例問罪。○又題准。遼東軍職。犯該失機等項。除真犯死罪外。如該充軍為民。而年力未衰。慣經戰陣。及情犯可原者。從重罰贖。奏請還職起用。○三十三年題准。賊入內地。陞賞與邊方不同。而衝鋒破敵。奮勇

當先。雖無擒斬。定為頭功。查照邊腹事例。一體世襲。○又題准。薊鎮參遊等官。防守三年無失。聽類薦陞擢。○三十四年議准。薊州門戶。必由宣府獨石大山墩等處。獨石參將。能精選夜不收。哨報明的。照軍功陞賞。夜不收陞一級。賞銀二十兩。如誤機宜。參將從重治罪。夜不收以軍法從事。○四十三年題准。各處大小將領官軍。果能搗巢。邀擊。獲有奇功。不次陞擢。斬有首級。照例陞賞。如果深入虜營。衝鋒陷陣。致有損傷。不坐將領之罪。止出格優恤死事之人。以示激



勸○又題准遼東武職官犯賊干礙行止與零賊出入不行進兵及重罪減等者照舊編發別鎮其虜勢重大衆寡不敵情罪可原者定發本處極邊衛所其已經編審而久延在家者嚴限發遣○隆慶元年題准今後各邊總督鎮巡遇有功罪自總督以至副參遊守兵備有司凡有兵馬城池之責者俱查照職任一體酌量論賞行罰○又題准遼鎮各村居人就近築堡收斂虜至能捍拒保全者堡長准給冠帶○三年題准薊昌二鎮務要因牆拒守以守為戰果能保

無他虞照斬首事例題請陞級世襲○萬曆三年題准宣大山西延寧甘固等處凡已議通貢者自有三年一次論功陞賞不許援考滿事例冒請希恩

凡海禁弘治十三年令官民人等擅造二桅以上違式大船將帶違禁貨物下海入番國買賣潛通海賊同謀結聚及為嚮導劫掠良民者正犯處以極刑全家發邊衛充軍若止將大船雇與下海之人分取番貨及雖不曾造有大船而糾通下海之人接買番貨或探聽番貨到來私



買販賣。若蘇木胡椒至一千斤以上者。俱問發邊衛充軍。番貨入官。若小民撐使小船於海邊近處。捕取魚蝦。採打柴木者。巡捕官兵不許擾害。○嘉靖四年題准。嚴督兵備倭等官。將沿海軍民私造雙桅大船。盡行拆卸。如有仍前撐駕者。即便擒拏。檢有松杉板木枝圓籐靛等物。計其貫數。并硫黃五十斤以上。俱比照收買販賣蘇木胡椒至一千斤以上。不分首從。并将接買牙行及寄頓之人。俱問發邊衛充軍。船貨入官。其把守之人。并該管里老官旗。通同故縱。及知情不舉者。亦比照軍民人等私出外境釣豹捕鹿等項。故縱隱蔽例。俱發煙瘴地面。民人里老為民軍丁充軍。官旗軍吏帶俸食糧差操。仍給榜文通行浙福二省海道地方。常川張掛。曉諭禁約。○三十三年題准。南直隸浙福廣東等處。有將雙桅三桅大船下海。及沿海居民遇夷船乘風飄泊。私送水米者。俱坐通番重罪。○又題准。近海豪民。交通倭寇。今後巡鹽御史兼管巡海。以便禁戢。○隆慶三年題准。近海地方。凡有寇賊處所。私將硝黃與賊交易者。正犯凌遲。



全家處死。兩鄰知而不舉。發遣充軍。告首得實。從厚賞賚。若係官司收買。亦照明開數目。赴撫按衙門掛號。但有多帶一體治罪。○四年題准。申明以後。文武官員。但有養寇殃民。臨陣退縮。賣港縱賊。受賄招撫。及將軍器火藥酒米下海。通賊接濟者。俱照律例。從重問擬。中間有賊跡顯著。及積年通賊者。仍照近例。凌遲梟示。籍沒家財。以充軍餉。

凡防海功罪。嘉靖三十三年題准。各兵備海防副叅守備有司軍衛等官。凡有被倭殘毀市鎮。隱蔽不報。坐視不救者。巡按指實叅究。一體以失事論罪。○隆慶二年題准。海洋有警。水兵果能奮勇邀擊。即論水兵之功。若賊近內港。陸兵果能據險堵截。不致登岸。即論陸兵之功。撫按據實具奏。俱照平倭事例陞賞。若水兵哨備不嚴。致賊突入內港。陸兵堵截不力。致賊登岸流突。水陸將領俱以守備不設治罪。若賊在內港。陸兵竭力抵敵。未得登岸。水兵退縮不前。則論陸兵之功。而究水兵之罪。水兵能從海洋追逐。入港使賊腹背受敵。水陸官兵各有擒斬者。不



惟照例陞賞。水兵將領仍宥守備不設之罪。賊雖登岸焚掠。陸兵能奮勇驅勦擒斬數多。賊勢窮蹙搶舟入海。水兵能迎港奮勇擒斬盡絕者。水陸官兵守備不設之罪通行免究。

凡邊海軍人犯罪。弘治十三年令各邊關堡墩臺等項守備去處。若軍官用財買閒者。官員問罪調極邊衛分守禦旗軍人等發沿邊枷號一箇月。常川守哨。若原在關營官軍逃回原籍潛住。及架砲夜不收守墩軍人。黃夜回家輪班不去者。俱照前項調衛枷號守哨發落。○又令凡

各處備倭貼守軍人代替者。正軍問調沿海衛分。舍餘人等就收該衛充軍。把總等官縱容者。參問治罪。○又令沿邊沿海旗軍舍餘犯該監守常人盜竊盜掏摸搶奪。至徒軍以上者。俱送總兵官處查撥缺人墩臺守哨。滿日踈放。其別項徒罪以上者。有力納米等項。無力巡哨。○正德十六年奏准沿邊地方軍民人等有躲避差役。六夷寨潛住者。民發邊衛軍舍發極邊煙瘴地方。各永遠充軍。本管里長總小旗及兩鄰知而不首者。各治以罪。有能擒拏送官者。不問漢



土軍民。量加給賞

大明會典卷之一百三十二

大明會典卷之一百三十三

兵部十六

鎮戍八

圖本

天下險隘要衝。在職方皆有圖本。今不能盡載。而邊事特重。故載鎮戍總圖一。九邊圖九。其沿海及腹裏地方。夷蠻犛犗之屬。所宜備禦者。咸著于總圖焉。

洪武二十六年定。凡天下要衝。及險阻去處。各畫圖本。并軍人版籍。須令所司成造送部。務知險易。



造圖冊地方

陝西

寧夏

甘肅

四川

貴州

兩廣

雲南

湖廣

河南

遼東

大同

宣府

山西

山東

延綏等處

松潘等處

鄖陽等處

鳳陽等處

蘇松等處

鳳門等處

紫荊等關

薊州等處

順天等府

腹裏城池各都司總送

成化元年。令圖本。戶口文冊。俱限三年一次造

報。弘治元年。令圖本。及官軍戶口馬騾文冊。

限期。在京。并北直隸衛所。大寧萬全二都司。限

二月終。南京。并南直隸。中都。河南。浙江。江西。山

東。遼東。山西。等都司。限三月終。陝西。福建。湖廣

限四月終。其圖本。自各邊。沿海。以至腹裏都司。



一體造報。嘉靖十年。奏准。各該都司衛所官



軍馬騾文冊。今後每十年造送一次。止造總數  
不必細開。仍移咨南京兵部。一體查造施行。



鎮戍總圖 東起朝鮮西至嘉峪南濱大海北連沙漠道路紆繁各萬餘里





薊鎮邊圖

本鎮邊界自遼東鎮邊起西至宣府鎮邊止沿長一千餘里



姜女墳

山海關

石門寨

永平府

建昌營

太平寨

古北口

場子營

石塘

赤雲縣

薊州

遵化縣

三屯營

燕河營

昌黎縣

灤州

豐潤縣

灤州

遷安縣

樂亭縣

豐潤縣

王田縣

三河縣

順義縣

平谷縣

香河縣

渤海所

懷柔縣

灰嶺口

皇陵

黃花鎮

昌平州

鞏華城

通州

榆河驛

京師

長峪城

邊鎮城

橫嶺口

關上

開庸居

南口

白羊口







宣府邊圖 本鎮邊界東自薊州黃花鎮起西至大同邊平遠堡止沿長一千二百餘里





























大明會典卷之一百三十三

臣等謹將大明會典卷之一百三十三

會典卷一百三十三

三



